

05.09.2017

Els idioms romontschs puter, sursilvan, sutsilvan e vallader ein vegnidas edidas grammaticas da scola unitaras. Quei ein las empremas publicaziuns el rom da l'elaboraziun dil niev mied d'instrucziun da lungatg "MEDIOMATIX".

La scola'aulta da pedagogia dil Grischun elavura per incumbensa dil cantun Grischun in niev mied d'instrucziun da lungatg analog e digital per la 2. entochen 9. classa els quater idioms puter, sursilvan, sutsilvan e vallader. La fin da fenadur ein cumparidas sco empremas publicaziuns dil project "MEDIOMATIX" grammaticas unitaras pils quater idioms. Quellas fuorman la basa linguistic-teoretica dil mied d'instrucziun e stattan immediatamein a disposiziun allas persunas d'instrucziun sco era allas scolaras ed als scolars sco ovras da consultaziun.

La grammatica da scola fa uorden ella babilonia dallas noziuns grammaticalas e facilitescha aschia la capientscha per structuradas formalas. Cun agid da visualisaziuns vegnan scolaras e scolars intima da perscrutar sistematicamein il lungatg per puder duvra quel meglier pigl agen diever. Las grammaticas porschan era ina survesta semplia e bein entelgeivla. Ellas ein compatiblas cul Plan d'instrucziun 21 Grischun.

L'applicaziun dallas grammaticas da scola ei vegnida declarada dalla regenza sco "recumandabla" pigl onn da scola 2017/18. Las brochuras pon vegnir empustadas el negozi d'internet per mieds d'instrucziun dil cantun Grischun (www.lmv.gr.ch) per il prezi da scola da 12 francs. Il prezi per persunas privatas importa 16 francs.

La proxima publicaziun el rom dil project da mieds d'instrucziun "MEDIOMATIX" ei prevedida pigl onn da scola 2018/19. Per quest termin vegnan a cumparer las parts dil mied d'instrucziun per la 2. e la 9. classa.

